

1. Apakah produk ini?

PruBSN Amani adalah pelan takaful berkumpulan di mana Prudential BSN Takaful Berhad (PruBSN) adalah Pemegang Sijil Induk kepada pelan ini. Ahli yang Dilindungi untuk pelan ini adalah penerima Bantuan Keluarga Malaysia (BKM) yang layak menerima Baucar Perlindungan Tenang (PTV) sebanyak RM75 yang berumur di antara 19 hingga 60 tahun pada tarikh lahir akan datang. Pelan ini terdiri daripada manfaat Takaful Bertempoh Berkelompok yang menawarkan perlindungan dalam tempoh dua belas (12) bulan dari Tarikh Berkuatkuasa Ahli yang Dilindungi. PruBSN Amani adalah produk patuh Shariah.

2. Apakah konsep Shariah yang berkenaan?

- *Ta'awun:*

Persetujuan untuk saling membantu berdasarkan prinsip kesamarataan dan kesatuan yang melibatkan kepentingan dan manfaat bersama. Takaful adalah berdasarkan konsep *Ta'awun* seperti yang ditakrifkan di bawah Seksyen 2 Akta Perkhidmatan Kewangan Islam 2013 yang bermaksud suatu persetujuan yang berdasarkan kepada pertolongan bersama di mana peserta-peserta takaful bersetuju untuk menyumbang ke dalam suatu dana yang akan memberi manfaat kewangan yang akan dibayar kepada peserta-peserta takaful atau kepada waris mereka sekiranya berlaku perkara-perkara yang telah dipersetujui terlebih dahulu. Sumbangan yang akan dimasukkan dan dikumpulkan ke dalam dana bersama iaitu Dana *Tabarru`* adalah *Tabarru`at* (kebajikan) secara alami.

- *Wakalah bi al-ujrah:*

Persetujuan di mana PruBSN dilantik untuk menguruskan perkhidmatan keseluruhan yang disediakan di bawah sijil anda. Kami akan mengambil sebahagian daripada sumbangan anda sebagai upah untuk perkhidmatan ini, yang mana termasuk komisen dan caj berkaitan pengagihan. Selain daripada Caj-caj *Wakalah*, PruBSN juga layak menerima yuran prestasi di atas lebihan yang boleh diagihkan daripada Dana *Tabarru`*.

3. Apakah perlindungan/manfaat-manfaat yang disediakan?

- **Manfaat Kematian**

Suatu amaun sekaligus akan dibayar sekiranya Ahli yang Dilindungi meninggal dunia secara semulajadi atau kemalangan. Perlindungan di bawah pelan akan ditamatkan apabila salah satu daripada manfaat telah dibayar.

- **Manfaat *Khairat***

Suatu amaun sekaligus akan dibayar sekiranya Ahli yang Dilindungi meninggal dunia disebabkan oleh apa-apa sebab semasa tempoh sijil.

Berikut adalah butiran amaun manfaat:

Manfaat	Tempoh Perlindungan	Ringgit Malaysia (RM)
Manfaat Kematian secara Semulajadi	Bulan pertama – Bulan keempat	Manfaat Kematian secara Semulajadi tidak akan dibayar
	Bulan kelima – Bulan kedua belas	15,000
Manfaat Kematian akibat Kemalangan	Bulan pertama – Bulan kedua belas	30,000
Manfaat <i>Khairat</i>	Bulan pertama – Bulan kedua belas	1,700

Tempoh Perlindungan: Dua belas (12) bulan dari Tarikh Berkuatkuasa Ahli yang Dilindungi.

4. Berapakah sumbangan yang harus dibayar?

Sumbangan untuk pelan ini adalah RM75 dan akan dibayar oleh Ahli yang Dilindungi melalui penebusan Baucar Perlindungan Tenang (PTV) sebanyak RM75. Sila ambil perhatian bahawa PTV bukanlah baucar fizikal dan Ahli yang Dilindungi mungkin perlu menambah nilai sekiranya jumlah sumbangan melebihi amaun PTV.

5. Apakah yuran dan caj-caj yang harus dibayar?

Yuran dan caj-caj bagi pelan ini akan dibayar oleh Ahli yang Dilindungi.

- Caj *Wakalah* Pendahuluan – 30% daripada sumbangan yang dibayar.

6. Apakah terma dan syarat utama yang perlu diketahui?

- Tempoh rujukan percuma – Ahli yang Dilindungi boleh membatalkan perlindungan takaful dengan memaklumkan secara terus kepada PruBSN dan menyertakan butiran pengenalan peribadi dalam tempoh lima belas (15) hari dari Tarikh Berkuatkuasa Ahli yang Dilindungi. PruBSN akan mengembalikan semula Baucar Perlindungan Tenang kepada Ahli yang Dilindungi.
- Tempoh menunggu – Kelayakan untuk Manfaat Kematian secara Semulajadi hanya akan bermula selepas empat (4) bulan dari Tarikh Berkuatkuasa Ahli yang Dilindungi. Tiada tempoh menunggu akan dikenakan bagi Manfaat Kematian akibat Kemalangan dan Manfaat *Khairat*.

7. Apakah pengecualian-pengecualian utama di bawah pelan ini?

Manfaat Kematian secara Semulajadi

PruBSN tidak akan membayar Manfaat Kematian secara Semulajadi sekiranya kematian Ahli yang Dilindungi disebabkan oleh perbuatan membunuh diri secara langsung atau tidak langsung sama ada semasa waras atau tidak waras.

Manfaat Kematian akibat Kemalangan

PruBSN tidak akan membayar Manfaat Kematian akibat Kemalangan sekiranya Ahli yang Dilindungi meninggal dunia disebabkan secara lansung atau tidak langsung oleh:

- (a) peperangan, penaklukan, tindakan musuh asing, permusuhan (sama ada peperangan diisytiharkan atau tidak), perang saudara, pemberontakan, revolusi, kebangkitan, kuasa ketenteraan atau rampasan kuasa, pembabitan secara langsung dalam rusuhan, mogok atau kekacauan awam; atau
- (b) pelanggaran atau cubaan melanggar undang-undang atau menentang penahanan; atau
- (c) cubaan membunuh diri atau kecederaan diri yang disengajakan dalam keadaan siuman atau tidak siuman; atau
- (d) kehamilan, kehamilan sekarang dan sebelumnya, (dan komplikasi berkaitan), melahirkan anak (termasuk kelahiran secara pembedahan dan apa juga pembedahan atau prosedur bukan pembedahan ke atas sistem peranakan wanita ketika pembedahan untuk kelahiran), keguguran, menggugurkan kandungan dan jagaan serta pembedahan pranatal atau postnatum, kaedah kawalan kelahiran kontraseptif mekanikal atau kimia, rawatan berkaitan ketidaksuburan termasuk disfungsi erektil dan ujian atau rawatan berkaitan impoten atau pensterilan; atau
- (e) mabuk akibat alkohol atau dadah; atau
- (f) terlibat atau mengambil bahagian dalam sukan profesional, selam skuba, sebarang acara perlumbaan, penerbangan udara (termasuk terjun lelabah, luncur udara, belon udara, payung terjun dan terjun udara) melainkan sebagai anak kapal atau sebagai penumpang yang membayar tambang menaiki pesawat penumpang komersil berlesen yang beroperasi melalui laluan yang dijadualkan biasa atau sebarang aktiviti atau sukan berbahaya, melainkan Kami telah bersetuju melalui pengendorsan khas; atau

- (g) penggunaan narkotik atau dadah melainkan diambil mengikut preskripsi perubatan berdaftar yang berkeelayakan; atau
- (h) apa-apa bentuk sakit atau penyakit yang bukan disebabkan oleh kemalangan.

8. Bolehkah perlindungan di bawah pelan ini dibatalkan?

PruBSN akan terus memberikan perlindungan sehingga tamat tempoh sijil Ahli yang Dilindungi sekiranya perlindungan takaful tidak dibatalkan oleh Ahli yang Dilindungi semasa 15 hari tempoh rujukan percuma. Pembatalan tidak dibenarkan selepas tamat tempoh rujukan percuma untuk pelan ini. Ini adalah pelan jangka pendek, justeru pembatalan pelan ini tidak akan memberikan sebarang kelebihan kepada Ahli yang Dilindungi.

9. Apa yang perlu dilakukan sekiranya terdapat perubahan pada alamat surat-menyurat?

Adalah penting untuk Ahli yang Dilindungi memaklumkan kepada PruBSN sekiranya terdapat sebarang perubahan pada alamat surat-menyurat bagi memastikan segala surat-menyurat akan sampai tepat pada waktunya.

10. Di mana untuk mendapatkan maklumat lanjut?

Sekiranya anda mempunyai sebarang pertanyaan atau memerlukan maklumat tambahan mengenai takaful keluarga, sila hubungi PruBSN di:

Prudential BSN Takaful Berhad 200601020898 (740651-H)

Aras 13, Menara Prudential,
Persiaran TRX Barat,
55188 Tun Razak Exchange,
Kuala Lumpur.

Tel: **03 2775 7188**

E-mel: customer@prubsn.com.my

Anda juga boleh lawati laman web kami di www.prubsn.com.my

Prudential BSN Takaful Berhad adalah Pengendali Takaful yang berdaftar di bawah Akta Perkhidmatan Kewangan Islam 2013 dan dikawal selia oleh Bank Negara Malaysia.

11. Lain-lain perlindungan takaful keluarga yang ditawarkan:

Sila hubungi PruBSN untuk mengetahui mengenai jenis-jenis perlindungan takaful lain yang ditawarkan.

NOTA PENTING:

ANDA HARUS MEMBACA DAN MEMAHAMI SEPENUHNYA SEMUA MAKLUMAT MENGENAI MANFAAT-MANFAAT DAN TERMA-TERMA YANG TERKANDUNG DI DALAM LAMPIRAN KETERANGAN PRODUK INI. ANDA BOLEH MENGHUBUNGI TERUS PRUBSN SEKIRANYA ANDA INGINKAN MAKLUMAT LANJUT.

Maklumat yang dibekalkan di dalam lampiran keterangan ini adalah sah pada April 2022.

Disediakan oleh: Prudential BSN Takaful Berhad
Tarikh: April 2022
Versi: PruBSN Amani v1.0